



01/a-50-1

Broj: 01-50-5-1396-4/13  
Banja Luka, 28.06.2013.godine

✓  
PARLAMENTARNA SKUPŠTINA BiH  
Predstavnički/zastupnički dom  
71000 SARAJEVO  
Trg Bosne i Hercegovine broj 1

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	10.07.2013		
Organizaciona jedinica	Klasifikaciona oznaka	Redni broj	Broj priloga
01-50-1-15-48/13			

PREDMET: Odgovor na poslaničko pitanje, dostavlja se  
Veza: vaš akt broj: 01/a-50-1-15-48/13 od 23.05.2013.godine

Postupajući po vašem aktu broj: 01/a-50-1-15-48/13 od 23.05.2013.godine, shodno zatom obrascu, dostavljamo sljedeće izjašnjenje:

**Zijad Jagodić**, poslanik u Predstavničkom/Zastupničkom domu Parlamentarne skupštine BiH, na 48. sjednici Predstavničkog doma, održanoj 23. maja 2013.godine, postavio je sljedeća poslanička pitanja:

- „1. Da li je iko od odgovornih lica UIO na graničnim prelazima (Rača, Pavlovića most, Izačić, Karakaj, Aerodrom Sarajevo, Uvac, Gradiška, Kamensko, Brod, Šepak, Bratunac i Orašje) za propuste u krijumčarenju robe smijenjen sa dužnosti ili bilo kako kažnjen (po imenu i prezimenu) u posljednje tri godine i zašto?
2. Da li je neko u UIO u posljednje tri godine kažnjen, a da se u postupcima dokazalo da zato nije odgovoran?
3. Da li ima sudskih predmeta (kao zahtjeva za naknadu štete) koji se vode protiv UIO, a da su zato odgovorni ljudi u UIO i o čemu je riječ?“

Na postavljena pitanja, Uprava za indirektno oporezivanje daje sljedeće

### ODGOVORE

1. Podaci o zaposlenima na navedenim graničnim prelazima, kojima su, u posljednje tri godine, izrečene disciplinske mjere zbog težih povreda službenih dužnosti, izvršenih propustima u carinskom postupku, prikazani su u sljedećoj tabeli:

Redni broj	Prezime i ime	Organizaciona jedinica i radno mjesto u vrijeme činjenja povrede	Činjenični opis povrede službene dužnosti	Disciplinska mjera izrečena konačnom odlukom
1.	Janković Miroslav	Viši saradnik-carinik u Carinskom referatu na graničnom prelazu Uvac	Omogućio fizičkom licu unos u carinsko područje BiH robe, koja podliježe inspekcijskom nadzoru, iako navedeni prelaz nije kategorisan za promet takve robe	Novčana kazna - 15% od mjesečne plate u trajanju od 3 mjeseca
2.	Bagarić Mladen	Viši saradnik-carinik u Carinskom referatu na graničnom prelazu Kamensko	Omogućio nezakonit unos kafe iz Republike Hrvatske u carinsko područje BiH	Prestanak radnog odnosa
3.	Jolić Vesna	Saradnik-carinik u Carinskom referatu na graničnom prelazu Kamensko	Omogućila nezakonit unos kafe iz Republike Hrvatske u carinsko područje BiH	Prestanak radnog odnosa

4.	Milić Nikola	Viši stručni saradnik-vođa smjene u Carinskom referatu na graničnom prelazu Kamensko	Omogućio nezakonit unos kafe iz Republike Hrvatske u carinsko područje BiH	Prestanak radnog odnosa
5.	Tubić Goran	Viši saradnik-carinik u Carinskom referatu na graničnom prelazu Gradiška	Dozvolio ulazak robe u carinsko područje BiH bez naplate carinskih dažbina	Novčana kazna - 15% od mjesečne plate u trajanju od 2 mjeseca
6.	Cvijić Zoran	Saradnik-carinik u Carinskom referatu na graničnom prelazu Gradiška	Proveo proceduru carinjenja robe u skraćenom postupku, iako nisu bili ispunjeni propisani uslovi	Novčana kazna - 20% od mjesečne plate u trajanju od 4 mjeseca
7.	Škeljić Saša	Saradnik-carinik u Carinskom referatu na graničnom prelazu Gradiška	Proveo proceduru carinjenja robe u skraćenom postupku, iako nisu bili ispunjeni propisani uslovi	Novčana kazna - 20% od mjesečne plate u trajanju od 5 mjeseci
8.	Velić Sejfulah	Saradnik-carinik u Carinskom referatu na graničnom prelazu Izačić	Izvršio carinjenje dijela robe koja se nalazila u prevoznom sredstvu, dok ostatak robe nije podlegao carinskom nadzoru	Novčana kazna - 20% od mjesečne plate u trajanju od 3 mjeseca
9.	Žerić Indir	Saradnik-carinik u Carinskom referatu na graničnom prelazu Izačić	Izvršio carinjenje dijela robe koja se nalazila u prevoznom sredstvu, dok ostatak robe nije podlegao carinskom nadzoru	Novčana kazna - 20% od mjesečne plate u trajanju od 3 mjeseca
10.	Tubić Goran	Viši saradnik-carinik u Carinskom referatu na graničnom prelazu Gradiška	Proveo proceduru carinjenja robe u skraćenom postupku, iako nisu bili ispunjeni propisani uslovi	Novčana kazna - 30% od mjesečne plate u trajanju od 6 mjeseci

2. Od ukupno 29 sudskih predmeta po tužbama za poništaj odluka donijetih u disciplinskim postupcima, pokrenutim u posljednje tri godine, sud je u jednom slučaju poništio rješenje Uprave, kojim je utvrđena disciplinska odgovornost zbog teže povrede službene dužnosti, utvrdivši da zaposleni za istu nije odgovoran.

3. U Upravi nema sudskih sporova, kao zahtjeva za naknadu štete, a da je za iste utvrđena odgovornost zaposlenih u Upravi.

Dostaviti:


- ① Naslovu
2. Kabinetu direktora
3. Sektoru za poslovne usluge (02/2)
4. Arhivi





**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1761/13  
Sarajevo, 10.7.2013. godine



**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1761/13  
Sarajevo, 10.7.2013. godine

**Zijad Jagodić, zastupnik u Zastupničkom domu Parlamentarne skupštine Bosne i Hercegovine, na 48. sjednici Zastupničkog doma održanoj 23. svibnja 2013. godine, postavio je sljedeće zastupničko pitanje:**

„Kada možemo očekivati da Vijeće ministara Bosne i Hercegovine sve strateške i godišnje planove kao i izvještaje o radu institucija VM počne objavljivati na internetu?“

Na postavljeno pitanje, Vijeće ministara Bosne i Hercegovine je na 56. sjednici održanoj 10.7. 2013. godine, utvrdilo sljedeći

**ODGOVOR**

Vijeće ministara Bosne i Hercegovine - Generalno tajništvo, na web stranici [www.vijeceministara.gov.ba](http://www.vijeceministara.gov.ba) / [www.savjetministara.gov.ba](http://www.savjetministara.gov.ba) redovito objavljuje program rada VM, izvješće o radu VM, odluke, rješenja, zaključke i druga akta koja donosi i usvaja Vijeće ministara BiH.

Izvješće o radu Vijeća ministara BiH za 2012. godinu, objavljeno je na web stranici.

Što se tiče akata i izvješća o radu institucija Vijeća ministara BiH oni se mogu potražiti preko linkova postavljenih na web stranici Vijeća ministara BiH.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1744/13  
Sarajevo, 17.7.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 17.07.2013			
Organizaciona jedinica	Klasifikaciona oznaka	Redni broj	Broj lista
01-50-1-15-48/13			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 57. sjednici održanoj 17.7.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1744/13  
Sarajevo, 17.7.2013. godine

Gospodin Zijad Jagodić, poslanik u Predstavničkom domu Parlamentarne Skupštine Bosne i Hercegovine, na 48. sjednici Predstavničkog doma održanoj 23.05.2013. godine, postavio je sljedeće poslaničko pitanje:

“Šta Vijeće ministara Bosne i Hercegovine namjerava poduzeti na jačanju institucionalnog upravljanja prema rezultatima rada te promjeni stavova u planiranju, stilu rukovođenja, razvijanju kapaciteta rukovodilaca, vodstva i delegiranja odgovornosti – a što se kao propust navodi u revizorskim izvještajima.”.

Na postavljeno pitanje, Vijeće ministara Bosne i Hercegovine je na 57 sjednici održanoj 17. 07. 2013. godine, utvrdilo sljedeći

**ODGOVOR**

U pogledu jačanja institucionalnog upravljanja prema rezultatima rada već su preduzete i preduzimaju se odgovarajuće mjere. Tako je u pogledu državnih službenika Agencija za državnu službu donijela novi Pravilnik o načinu ocjenjivanja rada državnih službenika u institucijama Bosne i Hercegovine (“Službeni glasnik BiH, broj 59/11), koji se počeo primjenjivati od januara 2012. godine, a sačinjen na osnovu dobre prakse razvijenih zemalja, i kojim su propisani uvjeti i način ocjenjivanja državnih službenika, te kriteriji po osnovu kojih se vrši ocjenjivanje. S obzirom da se ocjenjivanje sada zasniva na rezultatima rada odnosno stepenu ispunjenja utvrđenih radnih ciljeva (isti se utvrđuju na početku perioda ocjenjivanja), primjena ovog pravilnika u praksi je faktički jedan od instrumenata upravljanja prema rezultatima rada u svim institucijama BiH gdje rade državni službenici. Slična rješenja postoje i u pogledu policijskih službenika. Što se tiče zaposlenika, izmjenama Zakona o radu u institucijama BiH propisano je ocjenjivanje zaposlenika, pri čemu postupak regulišu institucije samostalno, a razmatra se i mogućnost donošenja jedinstvenog propisa na nivou institucija (za šta je potrebno dopuniti Zakon o radu u institucijama BiH).

Napredovanje prema rezultatima rada u smislu unapređenja u više platne razrede pravno je omogućeno putem Metodologije za unapređenje u više platne razrede, koju je usvojilo Vijeće ministara BiH, ali je Parlamentarna skupština BiH kroz izmjene Zakona o platama i naknadama u institucijama BiH isto zaustavila u narednim godinama.

U pogledu razvijanja kapaciteta rukovodilaca, vodstva i delegiranje odgovornosti Agencija za državnu službu kontinuirano održava menadžerske obuke koje su namijenjene rukovodećim državnim službenicima, a koje su usmjerene na razvijanje njihovih menadžerskih sposobnosti. Neke od tema obuhvaćenih ovim obukama su: menadžment ljudskih potencijala, rješavanje konfliktnih situacija (konflikt menadžment), reinžinjerinng poslovnih procesa u državnoj službi, kreativno rješavanje problema, efektno pregovaranje, upravljanje promjenama, savremena poslovna komunikacija, odlučivanje, priprema, pisanje i vođenje projekata. Na primjer, u 2012. godini održano je 18 menadžerskih obuka koje je pohađalo 253 učesnika, a u 2013. godini do sada je održano devet menadžerskih obuka koje je pohađalo 148 polaznika. Od uvođenja ovog modela treninga putem 8 modula menadžerskih obuka od 2005. godine Agencija je sprovela 179 obuka za 3309 polaznika.

Vijeće ministara BiH je u januaru 2013. godine usvojilo Strategiju obuke i razvoja državnih službenika sa Akcionim planom 2013-2015 koju definiše niz aktivnosti iz domena upravljanja ljudskim resursima kao i obuka za rukovodioce. Tako je planirano da se organizuje dalji niz obuka za rukovodeće državne službenike o načinu analiza potreba za obukom kroz pregled rezultata ocjene o radu i zapisa godišnjih razgovora.

Zbog nepromjenjenih okolnosti vezanih za stvaranje odgovarajućeg pravnog okvira za zakonitu obradu ličnih podataka kroz sistem HRMIS, Agencija za državnu službu BiH je u međuvremenu pokrenula nekoliko projekata razvoja sistema koji pokrivaju određene oblasti upravljanja ljudskim resursima, konkretno zapošljavanja u državnu službu i obuke državnih službenika, a za koje u Zakonu o državnoj službi u institucijama BiH te važećim podzakonskim aktima postoji potrebno i dovoljno pravno utemeljenje za prikupljanje i obradu ličnih podataka u skladu sa Zakonom o zaštiti ličnih podataka u BiH. Tako je sistem „MojKonkurs“ za elektronsko obavješćavanje kandidata u konkursnim procedurama dostupan na web sajtu <https://mojkonkurs.ads.gov.ba> pušten u rad u maju 2011. godine, a Agencija je trenutno u projektu nadogradnje ovog sistema u potpuno web bazirani sistem za online zapošljavanje u državnu službu institucija BiH. Također, Agencija trenutno implementira i sistem za puno online upravljanje procesom obuke državnih službenika u institucijama BiH.

Kombiniranjem podataka iz ovih sistema (e-Recruitment sistem i Trening menadžment sistem) koji su u razvoju biće moguće dati određene izvještaje i relevantne podatke za kvalitetno upravljanje ljudskim resursima u institucijama BiH. Projekti su u implementaciji i njihovo puštanje u rad očekujemo sredinom odnosno krajem 2014.godine.

Nadalje, u sferi upravljanja ljudskim resursima planirani su i određeni projekti iz Fonda za reformu javne uprave koji se tiču rukovodećih državnih službenika, a to su:

1. „Razvoj sistema za upravljanje učinkom u strukturama državne službe u BiH“ koji je okončan a jedna komponenta se odnosila na obuke za rukovodioce i osobe koje vrše ocjenjivanje državnih službenika i bilo je riječi o načinu rukovođenja, delegiranja i dr., a sa ciljem što bolje uspostave radnih zadataka;
2. „Modernizacija sistema upravljanja ljudskim potencijalima u strukturama državne službe BiH“ iz sredstava IPA 2011 koji je u pripremi.

Konačno, u planu su pripreme za uvođenje standarda u institucije BiH, koje će takođe imati reperkusije na rukovođenje. Uz konsultacije sa stranim ekspertima odabran je standard TQM (*Total Quality Management*), koji je inače standard za javnu upravu u većini EU zemalja, i podržan od Evropskog instituta za javnu upravu (EIPA).



BOSNA I HERCEGOVINA



БОСНА И ХЕРЦЕГОВИНА

Agencija za sigurnost hrane BiH

Агенција за безбједност хране БиХ

Food Safety Agency of Bosnia and Herzegovina

Broj: 02-02-3-751-1/13  
Mostar, 17. 6. 2013.



PRIMLJENO: 20-06-2013			
Organizaciona jedinica	Klasifikaciona oznaka	Redni broj	Broj priloga
01-50-1-603/13			

LETA: 01-50-1-15-48/13

BOSNA I HERCEGOVINA  
PARLAMENTARNA SKUPŠTINA BiH  
PREDSTAVNIČKI DOM  
Trg Bosne i Hercegovine 1  
71000 Sarajevo

**PREDMET:** Odgovor na poslaničku inicijativu, dostavlja se.-  
**VEZA:** Vaš akt broj 01/a-50-1-15-48/13 od 23.05.2013. godine

Poštovani,

Na osnovu Vašeg akta, broj i datum veze, dostavljamo Vam odgovor na poslaničku inicijativu koju je na 48. sjednici Predstavničkog doma Parlamentarne skupštine Bosne i Hercegovine održanoj 23. maja 2013. godine podnio poslanik Zijad Jagodić.

**AD 1.** Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine (u daljem tekstu: Agencija), u saradnji s Uredom za veterinarstvo Bosne i Hercegovine i nadležnim organima entiteta i Brčko Distrikta Bosne i Hercegovine, na 25. sjednici održanoj 29. oktobra 2012. godine, donijelo je *Pravilnik o higijeni hrane*, („Službeni glasnik BiH“, broj 4/13), koji je objavljen 22.01.2013. godine i stupio na snagu osam dana od dana objave tj. 29.01.2013. godine.

Navedenim Pravilnikom propisuju se opća pravila o higijeni hrane za subjekte u poslovanju s hranom, pri čemu se posebno uzima u obzir pored ostalog i princip da je neophodno osigurati da hrana koja se uvozi u Bosnu i Hercegovinu zadovoljava najmanje jednake higijenske standarde kao hrana proizvedena u Bosni i Hercegovini ili standarde koji se priznaju kao ekvivalentni njima.

Takođe na 25. sjednici Vijeća ministara, na prijedlog Agencije, u saradnji s Uredom za veterinarstvo Bosne i Hercegovine i nadležnim organima entiteta i Brčko Distrikta Bosne i Hercegovine, donesen je *Pravilnik o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja* („Službeni glasnik BiH“, broj 5/13) koji je objavljen 22.01.2013. godine i stupio na snagu osam dana od dana objave tj. 29.01.2013. godine.

Navedenim Pravilnikom propisuju se opća pravila o provođenju službenih kontrola kako bi se potvrdila usklađenost s propisima čiji je cilj da spriječe, eliminišu ili smanje nivo rizika po ljude i životinje na prihvatljive nivoe, bilo direktno, bilo putem okoliša i osiguraju poštivanje dobrih trgovinskih odnosa u oblasti hrane i hrane za životinje i zaštite interese potrošača, uključujući i deklariranje hrane i hrane za životinje, kao i druge vrste informacija za potrošače.

Odredbama člana 4. stav (1) tačka d) i stava (2) tačka d) *Pravilnika o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja* („Službeni glasnik BiH“, broj 5/13) definisano koje stručne inspekcije sprovode službene kontrole zdravstvene ispravnosti i higijene hrane/hrane za životinje pri uvozu.

**AD 2.** Vijeće ministara BiH je na 40. sjednici održanoj 28.2.2013. godine, nakon razmatranja Informacije Ministarstva vanjske trgovine i ekonomskih odnosa BiH o utvrđivanju aflatoksina u mlijeku, donijelo sljedeće zaključke:

1. *Zadužuje se Agencija da predloži Vijeću ministara BiH na razmatranje i usvajanje uslove za uvoz kukuruza za ishranu ljudi, kako bi se onemogućilo uvoznicima da kukuruz koji je namijenjen ishrani životinja prijavljuju prilikom uvoza kao kukuruz za ishranu ljudi, čime se stvara mogućnost zaobilaženja, odnosno izbjegavanje kontrole granične veterinarske inspekcije.*

2. *Zadužuje se Agencija da Vijeću ministara BiH predloži na razmatranje i usvajanje uslove uvoza za hranu neživotinjskog porijekla koja može sadržavati aflatoksine, u skladu sa Uredbom Evropske komisije, koja uvodi posebne uslove koji se odnose na uvoz određene hrane iz određenih trećih zemalja zbog rizika kontaminacije aflatoksinom.*

Postupajući u skladu sa zaključcima Vijeća ministara BiH Agencija je pripremila sljedeće odluke:

1) „Odluka o povećanom nivou službenih kontrola pri uvozu kukuruza“, kojom se propisuju uslovi za uvoz kukuruza za ishranu ljudi, kako bi se onemogućilo uvoznicima da kukuruz koji je namijenjen ishrani životinja prijavljuju prilikom uvoza kao kukuruz za ishranu ljudi, čime se stvara mogućnost zaobilaženja, odnosno izbjegavanje kontrole granične veterinarske inspekcije.

2) „Odluka o posebnim uslovima za uvoz određene hrane iz određenih zemalja zbog rizika od kontaminiranosti aflatoksinima“ kojom se propisuju uslovi uvoza za hranu neživotinjskog porijekla koja može sadržavati aflatoksine, u skladu sa Uredbom Evropske komisije, koja uvodi posebne uslove koji se odnose na uvoz određene hrane iz određenih trećih zemalja zbog rizika kontaminacije aflatoksinom. Predmetna odluka je usklađena sa EU Uredbom 1152/09, te kao takva neće uzrokovati stvaranje vancarinskih barijera u trgovini.

U skladu sa članom 60. Zakona o hrani („Službeni glasnik BiH“, broj 50/04, prijedlog navedenih odluka dostavljen je na odobrenje Upravnom odboru Agencije. Odmah nakon što Upravni odbor razmotri i odobri predmetne odluke, Agencija će iste dostaviti Vijeću ministara BiH na razmatranje i donošenje.

S poštovanjem,



**DIREKTOR**

doc.dr.sci.Sejad Mačkić

Dostavljeno:

1. naslovu,
2. a/a

Bosna i Hercegovina

Uprava za indirektno - neizravno oporezivanje

Broj: 01- 50-5-1996-2 /13

Banja Luka, 21.06 2013. godine



Босна и Херцеговина

Управа за индиректно опорезивање

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 25-06-2013			
Organizaciona jedinica	Klasifikaciona oznaka	Redni broj	Broj priloga
01-50-1-602/13			

Veza: 01-50-1-15-48/13

PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM

SARAJEVO  
Trg BiH 1

**Predmet: Odgovor na zastupničku inicijativu zastupnika Zijada Jagodića, dostavlja se**  
**Veza: Vaš akt broj: 01/a-50-1-15-48/13 od 23.05.2013. godine**

Vašim aktom broj i datum veze dostavili ste Upravi za indirektno / neizravno oporezivanje zastupničku inicijativu zastupnika Zastupničkog doma Zijada Jagodića, postavljeno na 48. sjednici Zastupničkog doma održanoj 23.05.2013. godine, na postupanje u smislu izrade pismenog odgovora na istu.

S tim u vezi, u prilogu dostavljamo pismeni odgovor na postavljenu zastupničku inicijativu.

S poštovanjem,

Prilog: kao u tekstu

Dostaviti:

1. Naslovu
2. 01/1
3. 03/1
4. a/a



DIREKTOR

Dr. Miro Džakula



Broj: 01-\_\_\_\_\_ /13

Banja Luka, \_\_\_\_\_ 2013. godine

Gospodin Zijad Jagodić, zastupnik Zastupničkog doma Parlamentarne skupštine Bosne i Hercegovine, na 48. sjednici Zastupničkog doma Parlamentarne skupštine Bosne i Hercegovine, održanoj dana 23.05.2013. godine, uputilo je Upravi za indirektno / neizravno oporezivanje inicijativu slijedeće sadržine:

1. „Obzirom na svakodnevne sigurnosne i tehničke propuste u zemljama EU ali i okruženju što se sve značajnije zdravstveno ali i ekonomski negativno reflektuje na naše stanovništvo i ekonomiju, iniciram osjetnije poštovanje uslova uvoza, uključujući i carine i to za lijekove svih vrsta, hranu, alkohol, cigarete i tekstil.“

U vezi postavljene zastupničke inicijative Uprava za indirektno / neizravno oporezivanje BiH daje slijedeći:

#### ODGOVOR

Uprava za indirektno – neizravno oporezivanje je samostalna upravna organizacija i jedini organ u BiH nadležan za sprovođenje zakonskih propisa o indirektnom oporezivanju i politike koju utvrdi Vijeće ministara na prijedlog Upravnog odbora UINO. Osnovni zadatak Uprave je da kroz dosljednu primjenu propisa o indirektnim porezima, redovno vrši prikupljanje i naplatu prihoda po osnovu indirektnih poreza i na taj način podržava cjelokupnu makroekonomsku stabilnost i fiskalnu održivost BiH. Takođe pružamo podršku privredi, sprječavamo uvoz zabranjene robe i robe koja je predmet zabrana i ograničenja, suzbijamo nezakonitu trgovinu i štitimo interese i bezbjednost građana Bosne i Hercegovine, a sve u skladu sa međunarodnim standardima. Podržavajući ovu inicijativu, naglašavamo da će UINO kontinuirano provoditi kontrolu pravilnosti uvoznih postupaka za navedene robe kao i za sve druge robe u skladu sa važećim zakonskim propisima.

UPRAVA ZA INDIREKTNO / NEIZRAVNO OPOREZIVANJE

Broj: 03/04-05-21-1/13  
Sarajevo, 05.07.2013.godine

PARLAMENTARNA SKUPŠTINA BOSNE I HERCEGOVINE

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

10.07-2013

PRIMLJENO:	Organizaciona jedinica	Klasifikaciona oznaka	Redni broj	Broj lista
	01-50-1-15		48	13

Zastupnički dom

n/p gosp. Zijadu Jagodiću, zastupniku

n/p gosp. Bojanu Ninkoviću, tajniku

Predmet: Odgovor na zastupničku inicijativu

Poštovani,

U pravitku akta, u vezi sa člankom 155. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), dostavljam Vam odgovor Agencije za privatizaciju u Federaciji Bosne i Hercegovine i Komisije za vrijednosne papire Federacije Bosne i Hercegovine na zastupničku inicijativu, koju je na 48. sjednici Zastupničkog doma Parlamentarne skupštine Bosne i Hercegovine, održanoj 23. svibnja 2013. godine, podnio zastupnik Zijad Jagodić.

S poštovanjem,



SEKRETAR VLADE

Edita Kalajdzic

BOSNIA AND HERZEGOVINA  
FEDERATION OF BOSNIA AND HERZEGOVINA  
AGENCY FOR PRIVATIZATION IN  
FEDERATION OF BOSNIA AND HERZEGOVINA

Br. 04-02-712-1 / 13  
Sarajevo, 3.7.2013. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA  
n / r sekretara Vlade, gđe. Edite Kalajdžić  
SARAJEVO

BOSNA I HERCEGOVINA  
FEDERACIJA BOSNE I HERCEGOVINE  
VLADA  
SARAJEVO

NO: 4.7.2013			
Banka dionice (share)	Kreditna institucija (credit)	Drugi (other)	Broj bilaga
03/04-05-21-1/2013			

Veza: Vaš akt br. 03/04-05-21-1/13 od 31.05.2013. godine

PREDMET: Odgovor na zastupničku inicijativu, *dostavlja se*

Agenciji za privatizaciju u FBiH dostavljena je od Vlade Federacije Bosne i Hercegovine zastupnička inicijativa, koju je na 48. sjednici Zastupničkog doma Parlamentarne skupštine Bosne i Hercegovine, održane 23. svibnja 2013. godine, podnio gosp. Zijad Jagodić, zastupnik.

Inicijativa gosp. Zijada Jagodića, zastupnika, upućena je na adrese Vlade Federacije Bosne i Hercegovine, Vlade Republike Srpske i Vlade Brčko Distrikta, kojom se traži *da iste putem nadležnih Komisija za vrijednosne papire / hartije od vrijednosti kao i Agencija za privatizaciju izvrše kontrolu svih značajnijih i sumljivih berzanskih transakcija i privatizacijskih ugovora, te da iste stave pod hitno u fazu mirovanja i zabrane sve aktivnosti u privrednim društvima kao i fondovima do okončanja pojašnjenja svih sumnji i dilema.*

Temelj za ovakvu inicijativu po riječima gosp. Zijada Jagodića, zastupnika, je *da u posljednje vrijeme ima sve više takvih transakcija koje imaju za cilj iskoristiti trenutnu političku situaciju za uništavanje, obezvređivanje i prisvajanje društvenog kapitala, prebrzim skupštinskim promjenama usmjeravajući tokove u drugom pravcu.*

Za iznesene tvrdnje i sumnje u pogledu *berzanskih transakcija i privatizacijskih ugovora*, gosp. Zijad Jagodić, zastupnik, ne navodi konkretne primjere, izvore informacija, niti nudi kriterije u pogledu raspoznavanja i identifikacije sumljivih berzanskih transakcijama i privatizacijskih ugovora.

U svezi eksplicitnog zahtjeva stavljanja u fazu mirovanja i zabrane *svih aktivnosti* u gospodarskim društvima i investicijskim fondovima do okončanja *svih sumnji i dilema*, kako to traži gosp. Zijad Jagodić, zastupnik, mora se konstatirati da isti nije provodiv, nema zakonskog osnova, i doveo bi do paralize gospodarskog života, te predstavljao presedan u pogledu pravne i finansijske sigurnosti poslovanja u Bosni i Hercegovini.

Kad je riječ o aktualnom stanju na tržištu kapitala u Federaciji BiH, kao i potrebi daljeg razvoja tržišta i primjeni zakona kojima se regulira tržište kapitala, od Zakona o komisiji za vrijednosne papire Federacije BiH, Zakona o tržištu vrijednosnih papira Federacije BiH, Zakona o registru vrijednosnih papira Federacije BiH, Zakona o investicijskim fondovima Federacije BiH, do Zakona o gospodarskim društvima FBiH, onda je nedvojbeno jasno da pravni temelj i ovlaštenja za vršenje nadzora učesnika na tržištu kapitala, osiguranja transparentnosti tržišta kapitala, praćenja prometa na tržištu vrijednosnih papira, kretanja burzanskih indexa društava čijim dionicama se trguje na Sarajevskoj burzi / berzi, praćenja prijenosa vlasničkih papira kod Registra vrijednosnih papira Federacije BiH, ima Komisija za vrijednosne papire Federacije BiH.

Isto tako, sukladno ovlastima i obvezama utvrđenih zakonom, svake godine, Komisija za vrijednosne papire Federacije BiH obvezna je Parlamentu Federacije BiH uputiti na razmatranje i izvješće o radu Komisije, na temelju kojeg je moguće, sukladno zakonima koji reguliraju tržište kapitala, i ukoliko se odlučno identificiraju pojave sumljivih berzanskih transakcija, definirati mjere i akcije s ciljem otklanjanja i sprečavanja nezakonitih radnji na tržištu kapitala na prostoru Federacije BiH.

Suradnji Komisija za vrijednosne papire Federacije BiH, Republike Srpske i Brčko Distrikta, sukladno zakonskim rješenjima, s ciljem stvaranja jedinstvenog tržišta kapitala Bosne i Hercegovine, treba dati podršku.

U svezi zahtjeva kontrole privatizacijskih ugovora, kako to definira gosp. Zijad Jagodić, zastupnik, valja konstatirati da Agencija za privatizaciju u Federaciji BiH, kao i kantonalne agencije za privatizaciju, svako iz svoje nadležnosti, sukladno ugovorima i Pravilniku o obavljanju kontrole izvršenja obveza iz kupoprodajnih ugovora u postupku privatizacije u F BiH („Sl. novine Federacije BiH“, br. 52/09 i 5/11), vrše kontrolu izvršenja ugovorenih obveza, te o nalazima kontrole redovito informiraju nadležne Upravne odbore.

Isto tako, za vrijeme trajanja ugovora o kupoprodaji državnog kapitala, sukladno članku 19. Pravilniku o obavljanju kontrole izvršenja obveza iz kupoprodajnih ugovora u postupku privatizacije u F BiH („Sl. novine Federacije BiH“, br. 52/09 i 5/11), a u cilju ograničenja prometa dionicama i / ili udjelima poduzeća agencije za privatizaciju upisuju u Registru vrijednosnih papira Federacije BiH zabranu prometa bez suglasnosti ili izdatog uvjerenja o izvršenju ugovorenih obveza od strane nadležne agencije.

Sem toga, usvojen je i Zakon o reviziji privatizacije državnog kapitala u privrednim društvima i bankama („Sl. novine Federacije BiH“, br. 55/12), koji definira postupak revizije, institucije za provođenje revizije, radnje, mjere i postupke prema izvršenoj reviziji, te kaznene odredbe, s ciljem povrata nezakonito stečene imovine / imovinske koristi u postupku privatizacije.

Agencija za privatizaciju u Federaciji BiH zaključila je 18 (osamnaest) ugovora o kupoprodaji državnog kapitala koji podliježu kontroli, te je sukladno odredbama ugovora i Pravilniku o obavljanju kontrole izvršenja obveza iz kupoprodajnih ugovora u postupku privatizacije u Federaciji BiH („Sl. novine Federacije BiH“, br. 52/09 i 5/11), i rezultatima provedene kontrole, za 12 (dvanaest) ugovora kupcima izdala uvjerenje o izvršenju ugovorenih obveza.

Zbog neizvršenja ugovorenih obveza Agencija za privatizaciju u Federaciji BiH pokrenula je postupak za raskid 6 (šest) ugovora, od čega je za 2 (dva) predmeta potpisan sporazumni raskid ugovora, 1 (jedan) ugovor je raskinut pravomoćnom sudskom presudom, a za 3 (tri) ugovora sudski postupak je u tijeku.

Isto tako, svake godine, Agencija za privatizaciju u Federaciji BiH, u suradnji s kantonalnim agencijama za privatizaciju, sačinjava kumulativno izvješće o kontroli izvršenja obveza iz kupoprodajnih ugovora, kojim su obuhvaćeni svi ugovori kod kojih je vršena kontrola, te uz pregled izvršenih ugovora, raskinutih ugovora, ugovora kod kojih je pokrenut postupak za raskid, kao i aktivnih ugovora, predmetno izvješće dostavlja Vladi Federacije BiH.

S poštovanjem,

Dostavljeno:  
1 x naslov  
1 x a / a  
1 x evid



Broj: 03/1-49-1316/13  
Sarajevo, 11.06.2013. godine

BOSNA I HERCEGOVINA  
FEDERACIJA BOSNE I HERCEGOVINE  
V L A D A  
Alipašina 41, Sarajevo

BOSNA I HERCEGOVINA  
FEDERACIJA BOSNE I HERCEGOVINE  
V L A D A  
Sarajevo

13.6.2013	
03/04-05-21-1/2013	

Predmet: Odgovor na dopis broj: 03/04-05-21-1/13 od 31.05.2013. godine

Komisiji za vrijednosne papire Federacije BiH ste dostavili akt, broj i datum gornji, a radi postupanja prema zastupničkoj inicijativi zastupnika Zastupničkog doma Parlamentarne skupštine Zijada Jagodića. S tim u vezi dajemo slijedeći odgovor:

Komisija za vrijednosne papire, u okviru svojih poslova propisanih odredbama čl. 11., 12. i 13. Zakona o Komisiji za vrijednosne papire („Službene novine Federacije BiH“, broj 39/98, 36/99 i 33/04) kontinuirano nadzire promet vrijednosnih papira i u skladu s istim donosi mjere iz svoje nadležnosti.

S poštovanjem,

Predsjednik  
Komisije za vrijednosne papire  
Federacije Bosne i Hercegovine

mr Hasan Čelam

Dostaviti:  
-Federalno ministarstvo financija/finansija  
- a/a





**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1740/13  
Sarajevo, 10.9.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 12.09.2013

Organizaciona jedinica	Klasifikaciona oznaka	Redni broj	Broj priloga
01-50-1-	15-48/13		
01-50-1-603			13

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničku inicijativu – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupničku inicijativu koju je uputio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1740/13  
Sarajevo, 29.8.2013. godine

Зијад Јагодић, посланик у Представничком дому Парламентарне скупштине Босне и Херцеговине, на 48. сједници Представничког дома, одржаној 23. маја 2013. године, упутио је сљедећу посланичку иницијативу:

„ С обзиром на свакодневне сигурносне и техничке пропусте у земљама ЕУ, али и окружења, што се све значајније здравствено, али и економски, негативно рефлектује на наше становништво и економију, иницирам осјетније поштровање услова увоза, укључујући и царине, и то за лијекове свих врста, храну, алкохол, цигарете и текстил.“

На упућену посланичку иницијативу, Савјет министара БиХ, у складу са чланом 37. Закона о Савјету министара БиХ („Службени гласник БиХ“, бр. 30/03; 42/03; 81/06; 76/07; 81/07; 94/07 и 24/08) на 61. сједници одржаној 29. 08. 2013. године, утврдио је сљедећи:

**О Д Г О В О Р**

Одредбама Закона о спољнотрговинској политици БиХ („Службени гласник БиХ“, бр. 7/98 и 35/04) регулисани су основни елементи система за извоз и увоз роба и услуга и одређује услове за извршавање економских делатности у иностранству и за извршавање економских делатности од стране физичких и правних лица у Босни и Херцеговини.

Чланом 1. став 2) овог Закона прописано је да је у сврхе међународне трговине, проток роба и услуга слободан.

Чланом 7. истог Закона је прописано да роба која се увози мора бити у складу са стандардима и техничким и квалитативним нормама прописаним или признатим као услов за њихово стављање у промет и/или употребу у Босни и Херцеговини, укључујући и стандарде ентитета. Поменути чланом овог Закона регулисано је такође да су санитарна, ветеринарска, фитопатолошка, еколошка и контрола квалитета увезене робе обавезне у складу са посебним прописима.

Када су у питању стопе царине које се примјењују у Босни и Херцеговини, важно је напоменути да се, сходно одредбама Споразума о измјени и приступању централноевропском споразуму о слободној трговини (CEFTA 2006) („Службени гласник БиХ – Међународни уговори, број 97/07) и Привременог споразума о трговини и трговинским питањима између Европске заједнице, с једне стране, и Босне и Херцеговине, с друге стране („Службени гласник БиХ – Међународни уговори, број 5/08), Босна и Херцеговина обавезала да, од дана ступања на снагу ових Споразума, неће уводити нове увозне или извозне царине или таксе једнаког учинка, нити ће се повећавати оне које се већ примјењују.

Из наведеног слиједи да би повећање постојећих царинских стопа представљало кршење поменутих међународних споразума, али да надлежне институције Босне и Херцеговине и ентитета, а посебно инспекцијски органи, могу предузимати све мјере предвиђене одговарајућим прописима које се односе на вршење санитарне, ветеринарске, фитопатолошке и контроле квалитета робе која се увози, у циљу заштите здравља потрошача.